

“Cietdaznuj” Yauzcuz Cinhih:

Baijyienj Fungsug Geizheih Daegbied Minzczuz

镇圩瑶胞“达努节”: 传统民俗相继登台争奇斗艳

□ Veiz Yungj Mung Lingz ingj Sinhyungz hoiz



▲ Yienj heiq “caijvadaeng”, hoh daengx mbanj hwnghoengh.



▲ “Fwen Daznuj” hap-rwenz, swncienz daih dem daih.



▲ Hek cawj caemh diuq fouxfaexsoux, ngoenzciet nauh-yied sim' angq raeuh.



▲ “Lingzvuengz” angq loengh gyong, hawj gyoengq-vunz mbaenj fuk.



▲ Byaij gvaq luengq danq ndongq, muengh hoenghvuengh ciengxlwenx.



▲ Lohdin benz laecax, vunz bvaengoda humx wawi.



▲ Mbanjyauz saedcej caen vuenyungz, gyoengqvunz angq-vangz vienjheiq lwnh.

Moix bi liggaeuq ndwenngux ngeihgouj, gyoengq beixnuengx Yauzcuz Sanglinz Yen Cinhih Yauzcuz Yangh cungj angqyangz hoenghhwd gvaq ngoenzciet conzdungj bibi cungj gvaq mbat ndeu —“cietdaznuj”. Ngoenz neix, gyoengq beixnuengx Yauzcuz dangdieg ranzranz cungj gaj moux gaj yiengz, loengh byaek nda daiz, daengx ranz vunz doxcomz, caeuq bouxhek gwnlaeuq, ndaek vanj ndaek vanj ndoet laeuq, ndaek gaem ndaek gaem gwn noh, caeuq gyoengq bouxhek daeuq angh hoh haenx ciengq go eu fwen diuq foux, baijyienj fungsug conzdungj geizheih bonj minzczuz, hoenghhwd nauhyied.

Riuz naeuz ciuhgonq gig nanz haenx, goengcoj Yauzcuz couh senj daengz dieg neix youq, gvaq saedcej caemdingh an'onj. Gvaqlaeng miz vunzyak aen minzczuz wng ciemq haeuq gizneix, faenh caemdingh an'onj neix deng dwkvaih lo, Yauzvuengz cijndei daiq gyoengq beixnuengx bae laengzhoenx vunzdig. Lienzdaemh hoenx daengz liggaeuq ndwenngux ngeihgouj, Yauzvuengz cij daiq gyoengq beixnuengx ndaejhingz dauqma. Vihle angq hoh ndaejhingz, gyoengqvunz roq gyong roq laz, gaj mou gaj yiengz, ciengq go diuq foux, nauhyied raixcaix. Daj seizhaenx gvaqdaeuq, vih geiqniemh gij hozbingz caeuq andingh ndaej daeuq mbouj heih neix, beixnuengx Yauzcuz moix bi daengz ngoenz neix cungj banh gak cungj hozdung angq hoh, ciemhciemh couh baenz le ciethiq daegbied bonjfaenh—“cietdaznuj”.

Haetromh ngoenzciet, gyoengq mbauqsau Yauzcuz couh ram diuz faexsoux gak hoh con doeng coq laeujhaeux rimmwd ndeu, ndwn youq bakmbanj baizdoh dwk coux hek; baez miz hek daengz, gyoengq mbauqsau couh caeuq bouxhek diuq foux faexsoux, seiz mbouj seiz yaengx diuz faexsoux hwnjdaeuq baez baenq, laeujhaeux couh daj aencong h cuenq ndei haenx biu okdaeuq, bouxhek cijndei aeu bak bae do gwn laeuq, geij

mbat roengzdaeuq, bouxhek cix gwn le haujlai laeuq. Byaij haeuq ndaw mbanj daeuq daengz diegdangz gyang mbanj, lij miz diuq fouxgyonglingz, benz laebakcax, lohlin byaij gyoqfeiz daengj lai cungj lai yiengh hozdung fungsug minzczuz biujyienj. Youq yienhciegz “byaij gyoqfeiz”, gwnz namh miz diuz luengq raez 3 mij, gvangq 0.4 mij, laeg 0.3 mij bu rim gij danq cingq coemh dwk ndongqnduq ndeu, caenhraen song boux goengsae fatgoeng loengh fap le, couh lohlin byaij gvaq gwnz gyoqfeiz, angjind cix mbouj deng logsieng saekdi; cungqgyang giuzcangz ndaw mbanj, miz diuz ganjfaex cocat sang 8 mij ndeu daengj dwk sohsangh, gwnz ganjfaex baek le 36 fag caxgang raez, bakcax doxhwnj camca baenz mbaeklae, bouxyienj lohlin lohfwngz aemq daeh dangzbingj ndeu, din dieb bakcax fwngz fuz bakcax dwk baez yamq baez mbaek benz hwnj dingj ganjfaex, gaem aen hauhgaeuvaiz boq uu hwnjdaeuq, caiq vax gij dangzbingj ndaw daeh vanq roengzdaeuq hawj vunzlai gwn, neix heuhguh vanq “fukheiq”; riengzdwk “caijvadaeng”, fouxgyonglingz daengj go foux ndawbiengz conzdungj Yauzcuz laebdaeb hwnjdaiz lienghsiengq, gyoengq bouxyawj doq yawj doq bekwngz doq hemq haenh ndei, yienhciegz angqyangz nauhyied.

Biujyienj hozdung guhsat le, gyoengq bouxhek byaij haeuq ranz beixnuengx Yauzcuz gwn ngaiz. Cawjranz Yauzcuz caeux gaenq loengh ndei haujlai byaek daegsaek Yauzcuz, miz nohnaengj luj mbahaeux, raemxmboq cawj nohyiengz, gaeqdoj dumq daengj. Gyoengqhek caemh haeuq mbanj ei fungsug, gaem vanj ndoet laeuq, ndaek gaemz gwn noh, angqyangz simsangj. Mwh gwn ngaiz, lij miz aen “cezmuq” daegbied vunz Yauzcuz gingq laeuq gingq noh ndeu: Aeu dawh roix 4 gaiq noh guh roix ndeu, gingq soengq daengz henz bak bouxhek, bouxhek ne cix mbouj ndaej doi, gaemz he gwn noh liux bae, yienhciegz sing bek fwngz sing hemq gyukgyad, angqyangz dangqmaz.



▲ Laex angqcoux daegbied mizyinx, hawj hek ndoetgwn laeuq ndaw gyongj.



▲ Ngoenzciet hekgviq daeuq ndaw mbanj, eu fwen gingq laeuq caez gyo'mbaiq.



▲ Roixnoh gingq hekgviq, muengh bibi daeuq comz.



▲ Bouxlaux gyaen bakbi, cungj lij ndangcangq raeuh.